



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

Commisio R. A. Provincialis.

[urn:nbn:de:hbz:466:1-77232](https://nbn-resolving.org/urn:nbn:de:hbz:466:1-77232)

Commissio R. A. P. Provincialis.

NOS FRATRES JOANNES ANDREAS FAYRE, Provinciae Tolosanae Fratrum Praedicatorum humilis Vicarius Generalis & servus. Tenore praesentium, nostrique auctoritate Officij, Reverendos Patres Vincentium Baron, Joannem Baptistam Maderan, Josephum Mailhot, & Antoninum Massoulié, Sacrae Theologiae Professores, nominamus & instituímus Theologorum Censores operum, quae Reverendus Pater JOANNES BAPTISTA GONET, in Burdigalensi Universitate Professor publicus, in lucem editurus est. Datum Tolosae die 13. Octobris anni 1658. In quorum fidem his Officij nostri sigillo munitis propria manu subscripsimus.

FR. JOANNES ANDREAS FAYRE Vicarius Generalis qui supra. Registrata folio 36.
FR. JACOBVS VALETE Socius.

Approbatio R. P. Vincentij Baron Sacrae Theologiae Doctoris.

PRAEFIXUM huic libro (quem pari voluptate & attentione evolvi) Clypei titulum, doctrinae quam proficitur injurium, suoque auctori inofficiosum, prima operis speciei denunciarat, videbaturque indignus luce, qui veluti propriae infirmitatis conscius, umbram sub scuto quaereret non lucem, latibulum, non theatrum. Duplex siquidem Clypei munus, veritatis (quae ortu suo tenebras discit, fugatque errores intrepida) infensum; dum quod tegit, obscurat; arguitque latentis ignaviae quod protegit. Verum Solis est Clypeus iste, pura luce micans: scutum est innato jubare pellucidum, cujus lumine quod non lucet, absconditur: quod non accenditur, friget: sicque naturae lucis ingenitaeque dignitatis testis est splendidissimus, non inscitiae latebra, aut ignaviae munimentum. Mentem enim suam, radianti hoc circumfessus Ancili, quasi sub ipso Sole Author exposuit; nec sereniore prode Caelo potuit doctrina Thomistica, quam facilius nemo, nemo facilius, haereditario coruscantem splendore, hucusque propalavit. Rutilanti hoc rectus, aut potius detectus Clypeo, qui latere gestiebat, Adversariorum perstringit aciem, retundit spicula, solvit versutias, ridet sophismata, vanosque conatus. Nullum in eo sedet Pilum; quaedam defatigat & velut levia tela laxo sinu eludit: quaedam discit, & in eum qui miserat, valentiore manu respicit & retorquet. Enimvero dum explicat, quid lucidius? dum refellit, quid nervosius? quid solidius dum edocet: In aliis Scriptoribus fucata plerumque aut diminuta veritas, utpote servituti addicta aut lasciviae; hic pura & plena, lascivire nescia aut servire, quae natura imperat gratiae subministra, quae Angelico enata sinu, terrena ridet, docens amare caelestia. Ceterum quaecumque docet hujus operis Author, plus habent fiducia quam cura, splendorem illi affundunt, styli non fucatus decor, sed candor perpetuus; oratio non sollicita quae Rhetorem sapiat, sed fluens quae Theologum, calentibus condita Patrum sententiis, quibus non verba, sed mores componat, animisque scribat non auribus, ut sanctioris disciplinae decet Mystam, qui eodem loco habet pigmenta, quo figmenta: cui muliebri censetur ornamentum, concinnitas, fractique animi index certus, cultus sermo, qui lucere docet, non vivere. Nec tamen inconcussa firmitati, sua deest licet dissimulata subtilitas, effectu potens quae habitu studet latere. Quisquis ergo pro veritate gratiaque divina depugnaturus accedis, huic armamentario indubie manum admove, & inexpugnabili scuto circumdabit te veritas ejus. Te vero quam nunc in lucem producis certior genij tui proles, audeat inculpanda accusare, quod diutius quam par erat celaveris speculum mentis tuae, ubi te omnis aetas ventura possit inspicere, unaque genuinum Theologiae Thomisticae sensum. Neque enim inter caliginosa exundantis undique mendacij tempora, tardiori mora subducendus erat litterarius hic Clypeus, quem citato mandandum praelo censeo, quo se, sapientiae veritatis, salutisque avida posteritas, tanquam fido animi munimento circumdet; nelabente in pejus seculo, divinatorum scientia, quae summa nobis debet esse Philosophia, iners evadat Philologia, sterilique oblectamento deserviat quae debuit esse remedium: docet ista Christianum hominem, profectum suam vitam aestimare, non garritu, tantumque sibi sacrae sapientiae adscribendum, quantum non cupit nec timet animus supernis inhians. Datum Parisiis 1. Martii 1659.

FR. VINCENTIUS BARON Sacrae Theologiae Professor.

*Approbatio R. P. Joannis Baptistae Maderan, Sacrae Theologiae Professoris,
& Conventus Burdigalensis Prioris.*

CLYPEUM olim Phidiae mirata est antiquitas, ego hunc quem in Theologiae Thomisticae defensionem editum vidi & perlegi. Illum mirabilem fecit occulta patrium colligatio, soli artificij nota; adeo ut disjuncta ab aliis una, nota subito solveretur structura, solusque Phidias divisas partes iterum copularet. Iste non reconditam certe, sed evidentem Doctrinae Thomisticae demonstrat connexionem. Tanta ingenij perspicuitate profundiora pandit Author Theologiae mysteria; ut pervia iam fiat studiosis omnibus, sublimis licet Thomistarum doctrina, nec minus facilis quam clara. Tanta rursus perspicuitate judicii separata subnectit dogmata; ut cum varias Theologiae partes sola arte Thomistica junctum iri ostendit, nulla vi posse juncturam solvi non diffidat. In alio Phidiae Clypeum iste superat: nimirum nedum scutum est quod hostium tela eludat facile, sed & armamentarium amplissimum, unde sagittas praemat Thomista, quas in hostes conjiciat non inani ictu. Cum igitur antiquo illo Phidiano & corrode tempore limam consumpto, istum Theologiae Thomisticae Clypeum laude censeam digniorem, optaverim etiam in saecula famosorem. Datum Tolosae in Conventu nostro S. Thomae Aquinatis die 4. Januarij, anni 1659.

FR. JOANNES BAPTISTA MADERAN, Ordinis Praedicatorum, Sacrae Theologiae Lector.